


O'ZBEKISTON RESPUBLIKASI XALQ
TA'LIMI VAZIRLIGI
NAMANGAN VILOYATI
YANGIQO'RGON TUMANI
57 – SONLI UMUMIY O'RTA
TA'LIM MAKTABNING

“boshlang'ich sinflar fani oyligi” da o'tkazilgan
“MEHRJON”

BAYRAM TADBIRI

Muallif :

Saida Turg'unova



2009 yil

MEHRJON BAYRAMI.

Xona bayramona, dasturxon kuz ne'matlari bilan bezatilgan.

Jarchi; Odamlar -u odamlar !
Mehnatkash-u xotamlar!
Bugun katta tantana,
O`ynab quvnaymiz yana.
Serbaraka oltin kuz,
Omborlar ham to'libdi.
Mana bugun shodlik ila,
Qo'shiq kuylab baralla,
Mehrjon bayrami''ni
Quvnoq kutib olamiz,
Barchangizni lutf ila,
To'yga taklif qilamiz.

„Kim oladi-yo shuginani-yo’’ xalq qo'shig'i bilan og'il bolalar guruhi.O'yin sharti :nok mevasini og'izda bandidan yerdan olish

1- Boshlovchi: Assalomu alaykum shirinso'z onaxonlar,himmatli otaxonlar,ko'zlarida bir olam ma'no mujassam aziz ustozlar do'stlar, tengdoshlar!

2- Boshlovchi: Assalom, saxovatli Oltin kuz!Salqin kechalar,o'simlik va barglarni bezovchi shudringlar dalalardagi oq oltin, g'arq pishgan meva-yu sabzavotlar seroblighi,dillarga quvonch baxsh etib, dasturxonlarni bezab turibdi.

1-Bosh.:Quyoshning zarrin nuri daraxt barglari va paxta dalalariga tushib, ajib manzara kashf etmoqda.

2-Bosh.:Dono xalqimiz qadimdan bayramlarni ajib bir orziqish sog'inch,yaxshi udumlar bilan kutib olishgan.ko'chat ekib bog' yaratishgan.

Musiqi sadolari ostida davraga 4-sinf o'quvchilari ijrosida
A.Karimovning "Yashang" qo'shig'iga raqsga tushishadi. (2ta og'il
bola)

Gulnoza: Xush kelibsan, jonajon,
Saxovatli kuzimiz.

Sevara: Dilda ajib hayajon,
Ne'matga kon, faslimiz.

Jamshid: Q.Muhammadiyning „Bizning kuz“ she'rini o'qiydi.

Davraga meva va sabzavotlar tasvirida bolajonlar kirib kelishadi.

Olma: Men sizlarning olmangiz,
Xomligimda olmangiz,
Nortojiga o'xshab so'ng,
Voy qornim, deb qolmangiz.

Gilos: Men gilosman, quloq sol,
Rangim yoqut totim bol,
Topsang qo'shalog'imni,
Qulog'ingga taqib ol

Shaftoli : Sersuv tukli, mevaman,
Ko'p dardlarga davoman,
Oshqozonga do'stlarim,
Xazmim yengil o'rtoqman.

Behi: Palovda o'z o'rnim bor,
Qo'rda pishsam xapdori.
Sizga kichik arzim bor,
Xomimda chaynang ko'p bor.

Qovun: Xazmim og'ir ekinman,
Tongda meni yeng derman.
Gar tanavvul qilsangiz,
18 soatdan xazm bo'laman.

Tarvuz: Yo'l-yo'l yashil to'nim bor,
Ichim qizil shiram mo'l,

Sog'liq uchun doimo,
Juda katta foydam bor
Handalak:Meni derlar handalak,
Ilk yozda pishdim qanddak,
Hid taratsam polizda,
Mast bo'lasiz bir zumda.

Endi navbat „Handalak“ xandalariga!

1-4-sinf o'quvchilari „Handalak“ teleko'satuvi xandalaridan
namoyish etadilar.

4-sinf o'quvchisi ijrosida „O'zbekiston“ qo'shig'i yangraydi.

1-Bosh.:Aziz bolajonlar, Vatanimiz O'zbekistonning asosiy boyligi
nima?

Bolalar :(bir ovozdan)Paxta!

2-Bosh.:To'g'ri topdingiz bolajonlar.O'zbekiston asosan paxta
yetishtiradi.Dunyoda paxta yetishtirish bo'yicha 2-o'rinda turadi.

Odina: Dalalarga baxsh etib chiroy
Kulib boqding oppoq paxtaoy.
Xirmoningdan xalq yuzi yorug',
Ochilaver chanoqda to'lug'.

1-Bosh.:Bobodehqonlarimizning yetishtirgan mo'l oq oltindan
ota-onalarimiz,opa-akalarimiz,ulkan xirmon bunyod etdilar.

2-Bosh.:Darhaqiqat, yurtdoshlarimizning beqiyos mehnatlari o'z
samarasini berdi. O'zbekiston Respublikasi ,qolaversa,
Namangan viloyati ham oq oltin xirmoni rejasini ortig'i bilan
uddaladilar.

1-Bosh.:Biz ularning barchasiga,,Zafar muborak aziz Paxtakorlar“
deymiz.

3-sinf o'quvchilari paxta chanoqlari bilan bezangan holda, „Paxtaoy“ qo'shig'ini kuylashadi.

2-Bosh. Qarang qarang, bolajonlardavramizga kim tashrif buyuryapti?

Davruga kuz ne'matlari bilan „Mehrjon“ kirib keladi.

Botir: Xush kelibsan, Mehrjon!

Mehrjon: Zehni o'tkir toychalarim,
Fikri tiniq oy qizchalarim,
Xush ko'rdim, xush ko'rdim!
„Oltin kuz – hosiling yuz“
Demish ota- bobolar.
Dasturxonga har xil ne'mat,
To'lmish aziz bolalar,
Doim yurtida to'kinlik,
Dasturxonda qut bo'lsin.
Barcha xursand yashasin,
Iymonimiz but bo'lsin!

1-Bosh. : Mehrjon senga atab bolajonlar ajoyib ko'rinishlar tayyorlab kelishgan.

Mehrjon: Qani kichkintoylarim,

Tomoshaga men tayyor.

O'quvchilar sahnada „Polizda“, „Bog'da“ nomli ko'rinishlarni namoyish etishadi.

1-sinf o'quvchilari ijrosida „Olma“ qo'shig'i

Bayramda „Kim topqir“ o'yini o'tkaziladi.

O'yin sharti quyidagicha belgilanadi: meva nomlarini, masalan, „olma“ oxirgi harfiga boshqa meva nomini aytish kerak, meva nomi takrorlanib qolsa, oldingi meva nomini aytgan g'olib bo'ladi. (O'yinni yana davom ettirish mumkin.

Mehrjon : Rahmat , o'gi'l-qizlarim, juda aqlli, bilimdon ekansizlar. Kelajagimiz sizday olovqalb yoshlar qo'lida. Sizlarni

yuksak ma'naviyatli, mustaqil O'zbekistonning gullab
yashnashiga ulkan qo'shuvchi,, elim deb ,yurtim deb, yonib
yashovchi insonlar bo'lishingizga tilakdoshman.Mehribon
ustozlarga esa kuch- quvvat tilayman! Kelgusi mavsumgacha
xayr , qadrdonlarim!

Bolalar:Oq yo'l,senga Mehrjon,

Tashrifing qildi shodon.

Yana Oltin kuzgacha,

Yetaylik omon- omon.

1-Bosh.:Mana shuning bilan bayram ertaligimiz nihoyasiga
yetdi.Barchangizga taningizga sog'liq,yuzingizga yorug'lik,o'qish va
ishingizga muvaffaqiyat tilaymiz.

2-Bosh.:Dasturxoningiz bugungidek to'kin va barakali bo'lsin.

Bolalar:E'tiboringiz uchun rahmat , aziz mehmonlar!

TAMOM.

Muallif : 57-umumiy o'rta ta'lim maktabi
boshlang'ich sinf o'qituv chisi
SAIDA TURG'UNOVA.